



Broj: 01-04-29326-7/22
Sarajevo, 12.09.2022. godine

SKUPŠTINA KANTONA SARAJEVO
Predsjedavajući Skupštine Kantona Sarajevo

Predmet: Odgovor na zastupničku inicijativu zastupnika Damira Filipovića

Zastupnik Damir Filipović na 54. radnoj sjednici Skupštine Kantona Sarajevo, održanoj dana 27.07.2022. godine, u okviru tačke dnevnog reda „Poslanička pitanja, inicijative i odgovori“, a u skladu sa članom 213. stav 1. Poslovnika Skupštine Kantona Sarajevo (“Službene novine Kantona Sarajevo” – Drugi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22 – Ispravka) uputio je **zastupničku inicijativu** kako slijedi:

“Podnosim inicijativu za sadnju plantaža paulovnije koja prema pisanju medija je brzorastuća vrsta i sa većom kalorijskom moći od ostalih vrsta, te se također može koristiti za proizvodnju peleta”.

Odgovor:

Kada je u pitanju formiranje plantaža paulovnije na području Kantona Sarajevo, K.J.P. “Sarajevo šume” kao korisnik šuma i šumskih zemljišta na području Kantona Sarajevo, je u saradnji sa Ministarstvom privrede – Upravom za šumarstvo, 2017. godine izvršilo sadnju sadnica paulovnije u cilju analize prijema sadnje i daljnjih aktivnosti na eventualnom formiranju plantažnih nasada ove vrste drveta.

Radi se o alohtonjoj (biljka unešena sa područja Azije) vrsti drveta koja ima određene komparativne prednosti sa aspekta prirasta drveta, kalorične moći i apsorpcije ugljičnog dioksida.

Shodno odredbama Zakona o šumama Kantona Sarajevo (“Službene novine Kantona Sarajevo” broj: 05/13) 2019. godine je izvršena kolaudacija izvršenih radova (tehnički prijem šumsko – uzgojnih radova). Komisija za tehnički prijem je konstatovala da navedena vrsta nije pogodna za introdukciju (unošenje) u šume i šumska zemljišta na području Kantona Sarajevo.

Važno je istaći da prirodnost naših šuma, njihov genofond i biodiverzitet, kao komparativna prednost u odnosu na šume većeg dijela Europe, ne smijemo ugrožavati introdukcijom alohtonih vrsta drveća. S tim u vezi mišljenja smo da tendencija u narednom periodu treba biti zaštita, očuvanje i razvoj naših autohtonih vrsta drveta.

S poštovanjem.

Dostavljeno:

1. Naslovu,
2. Vladi Kantona Sajevo-na znanje,
- ③ Evidenciji.
4. Arhivi.

